



Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt XII. Multo minùs in Ecclesi ferendam esse hanc libertaem, quàm olim in Iudaico populo preferenda fuerit.

[urn:nbn:de:hbz:466:1-46059](#)

dolò commercia societas que vitabant? non enim contebantur Iudæi Samaritanis: vsque adeò, vt cùm *Ioan. 4.* potum Christus à Samaritana petisset, admirans illa, dixerit: *Quomodo tu, Iudæus cùm sis, bibere à me poscis, quæ sum mulier Samaritana?* Cùm autem blasphemos è medio tollere Lex diuina iuberet; nec Saducæi parcí oportuit, qui eosque blasphemaverant, vt ipsam diuinitatem tollerent, cùm & angelum & *Act. 23.* spiritum ullum esse negarent. Quorum non mox oppressis initiis, procedente tempore cæca sic hæresis invaluuit, vt sensim collabente veteri sacerdotio, quod Dominus predixerat auferendum, etiam huius sedem occuparint. Sic enim scriptum in Actis est: *Exsurgens Ibid. 5.* princeps Sacerdotum, & omnes qui cum illo erant, quæ est hæresis Saducæorum, repleti sunt zelo, & *Galat. 5.* iniecerunt manus in Apostolos, & posuerunt eos in custodia publica.

CAPVT XII.

Multo minus in Ecclesiæ ferendam esse hanc libertatem, quam olim in Iudaico populo perferenda fuerit.

CV M igitur in aperto sit, non sic tum institutam fuisse Dei ciuitatem, vt libera cuique potestas esset, quæ vellet, de religione statuendi; nos sic instituendam esse nunc Christi Ecclesiam arbitrabimur, vt impunè quamlibet religionē in ea quisq. profiteatur? & cùm pseudoprophetas illi in sui temporis Ecclesia minimè tulerint, nos, cùm veritas & illuxit apertiùs, & corroborata est firmius, in Christiana domo atque familia quoslibet, quæ somniauerint, profiteri patiemur? Atqui meminiisse nos oportet, Ecclesiam Catholicaam, Christi videlicet sponsam & amicam, sic diuinis in literis commendari, vt esse dicatur terribilis sic- *cantic. 6.* ut castrorum acies ordinata. Non est autem ordinata

822 DE CHRISTIANA LIBERTATE
castrorum aies, vbi miles quisque, contempto ducis
imperio, se profitetur quod libuerit aggressurum. Me-
moris oportet Ecclesiam Christi esse in terris regnū;
vt certis, sicut in regno bene constituto solet, viuendū
esse legibus cogitetur: esse Dei domum, cui patrem
familias vnum præfecerit, ad quem debeant familias
negoria cuncta referri: esse vnum ouile, in quo pastori
vni sit obtemperandum, cui peculiariter dictum est:
Pasce oves meas. Hic iam deplorandum est sic elan-
guisse feruorem, qui aduersus familię huius, regi que
perturbatores magnus esse solebat. Indefensa multis
locis templa, indefensi Dei ministri, in hostium po-
testate relicti sunt: hoc cùm animaduertunt, locum
sibi inter nos liberum, imò & dominatum facilè polli-
centur. Nihil mouent infinita propè quæ ab illis pro-
ficiuntur scandalum, quamquam sine offendiculo se
viuere velle profitentur: nihil commiserationis inue-
niunt strages, omnibus ferme locis circumuentarum
dolis animarum, sed potius, si de illorum corpore san-
guis exierit, clamor exoritur, vt cor non in corde, sed
in oculis esse probetur. Balaam filium Beor gladio Is-
raëlitæ peremerunt propter scandalum populo obie-
ctum. Cùm enim debilitare Dei populū maledicē-
do fuisset prohibitus, cōsilium Moabitarum regi lug-
gessit, vt productis in conspectum ornatu meretricio
mulieribus, in nefandas libidines prouum ad eas po-
pulum proliceret: quod eo pacto & ad cultum decorū
pertrahere impuris amoribus atque illecebris irretios,
& vincere iam Deo propter impia tem exosos facilè
posset. Quin & Moyses indignissimè tulit parcitum
esse mulieribus, quæ ipsos venereis vinclitos catenis, in
idololatriam, & iram Dei protraxissent. Obscurimi-
nusne isti perniciosi tibi videbuntur, qui blandissimis
vocibus, velut sirenum cantibus, de Christiana liber-
tate restituta, de iugo multiplicium obseruationum
excusso,

Num. 31.

excusso, de fugiendo simulacrorum cultu, de vnius mediatoris plenissima satisfactione, gratia, misericordia, atrociter in animas saeuunt? & à Deo Patre, Ecclesia Matre, Christo Redemptore & Capite, integras provincias abstractas, ac mortis è faucibus, saeuissimique tenebrarum principis tyrannide semel ereptas, sub eandem iterum clade grauiore coniiciunt? nonne & ira Dei per impietatem prouocata, & populi viribus per dissidia fractis, & variis erroribus ad abiectionem Christianismi sensim viam aperientibus Christiani nominis hostibus feriendi delendique magis exponimur? Si libera non sunt corpora inter gladios & spinas, & alia quæ lädere ac cruentare possunt, constituta; liberi erunt animi tot errorum spinis circuisepti? tot laqueis blandientium illecebrarum capiendi? tot gladijs venenatarum linguarum confodiendi?

CAPVT XIII.

Quæ sit libertas piis hominibus optabilis.

Sicut igitur vera beatitudo non est vivere ut velis, nisi ita sis affectus, nihil ut prauè velis: ita vera libertas non est, sed perniciofa licentia, grauisque servitus, & vitiorum omnium & errorum, cùm impunè cuique licet quod libeat, profiteri & facere. Ea demum vera libertas est, cùm nemo prohibet bene facere, nemo Dei cultum interturbat, nemo studium impedit procurādæ salutis vel alienæ vel propriæ. Vera libertas est, & digna quæ Christianæ libertatis nomine cendeatur, qua sit, ut excusso seruitutis peccati iugo, de quo scriptum est, *Qui facit peccatum, seruus est peccati;* unius subijciamur Deo, iustitiaeque seruimus. Quam qui colunt, iij disciplinæ vinculis adstringi se gaudent, ut quo minus liceat omnia pro libidine gerere, eo major suppetat in bono proficiendi facultas. Hanc qui

ff 4

colunt,